



Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-13-11-2/2023 od 30.10.2023. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energijske efikasnosti u stambenim objektima za 2023. godinu – JP BPEU SS 2023-1 („Službene novine Federacije BiH - Oglasni dio“ broj: 85/23 od 03.11.2023. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

O D L U K U

I.

Odbija se prigovor podnosioca prijave, Edin Čaušević, Voljice bb, 70240 Gornji Vakuf - Uskoplja kao neosnovan.

Podnosilac prigovora ima pravo ponovnog podnošenja prijave u skladu sa uvjetima Javnog poziva.

II.

Ova Odluka je konačna i stupa na snagu danom donošenja.

O b r a z l o ž e n j e

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energijske efikasnosti u stambenim objektima za 2023. godinu – JP BPEU SS 2023-1 broj: 01-09-12-261/23 od 23.11.2023.godine, utvrđeno je da prijava pod rednim brojem 248. nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj 09-12-1560/2023 od 12.12.2023. godine, utvrđeno je da je prigovor neosnovan, obzirom da se uslovima javnog konkursa jasno tražilo pod tačkom 2. stav 6 da računi za snabdjevanje električnom energijom moraju da budu na ime i adresu podnosioca prijave i na njima mora biti vidljiva potrošnja električne energije. Računi za električnu energiju glase na ime Čaušević Alije, a ne

na ime podnosioca prijave. Osim toga, adresa mjernog mjesta je Gaj bb, dok je adresa podnosioca prijave Voljice bb.

Nadalje, u ZK ulošku nije evidentirana kuća, a priložena dozvola za građenje nije na ime podnosioca prijave (shodno tački 2.3 iz javnog poziva). Navodi iz prigovora da je Čaušević Edin ugovorom o poklonu od strane oca Čaušević Alije, dana 10.03.2006. godine stekao pravo vlasništva, te da nekretnina posjeduje građevinsku dozvolu koja je na ime oca podnosioca iz 1980. godine navodi iz prigovora su neosnovani. Iako je podnosilac prijave dostavio određenu dokumentaciju za koju smatra da ista dokazuje njegovo pravo vlasništva na nekretnini a samim tim i ispunjenje uvjeta javnog poziva, Fond nije ovlašten da utvrđuje valjanost dokumentacije a ni pravo vlasništva. Dodatno napominjemo da je članom 5. stav 1 propisano da vlasništvo i druga prava na nekretninama nastaju tek sa upisom u Zemljišnu knjigu.

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.



Marijan Klaić, v.d. direktor

Broj: 01-09-12-3547/2023

Sarajevo, 14.12.2023.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a